


Cette Carte montre le decouvrement, situation & l'estendue, du Weygat, autrement nomme, le detroit de Nassou, l'isle des Effats, Traenbay, Coing des Isles, Cap des Croix, & Cap de discorde, ensemble de la profondeur, baves, & ses appendences, sans au Weygat, qu'outre icelluy a l'Est en la Mer de Tartarie.



stre chaloupe iusques au Traenbay.

Sur le midi avons levé les ancrs, avec vn vent de Oueft nordouest. Le cours & estendue du VVeygat iusques a Cap de Croix, est à l'Est: & de là iusques au Cap de discorde, vn petit plus à l'Est. Puis apres s'estend la terre du VVeygat vers Nordnordest, & nord quart à l'Est: puis apres Nord, vn petit à Oueft. Nous navigames vers Nord-dest, vn petit plus à l'est. Lieues outre le Cap de discorde, mais fumes alors contraints de retourner par la multitude de la glace, & prinsmes nostre cours vers nostre susdite rade, En retournant trouvames bonne commodité d'ancrer ce soir apres le Cap des Croix.

Le 26. iour d'Aougist au matin avons levé l'ancre, & abaissé la trinquette, & avons navigé vers la Rade, pour attendre melieure commodité.

Le 28, 29. & 30., & iusques au 31. iour d'Aougist, estoit le vêt pour la plupart Sudouest: & Guillaume Barents nostre Capitaine naviga au coste Meridional du VVeygat, iusques a la terre ferme, ou il trouva des ges sauvages, nommes Samiutes, nō pas trop sauvages: car eux estans 20. en nombre, ont parlē mētē avec 9. des nostres, envirō vne lieue avant en pays, qui n'y pensoyent trouver aucuns gens: a cause que ayans esté au paravant en la terre de Weygat, n'ayions veu aucun, & les apperceurent en haut en deux troupes par vn temps de bruine, joinctz cinq & cinq ensemble & nous estions tout pres deux, devant que les apperceumes. Alors nostre Turcheman est allé au devant d'eux, pour parler à iceux, Ce que voyans ont aussi envoyē l'un d'entrē eux: lequel approchant nostre hō me, tira vne fleche de son carquois, le menaçt de tirer: parquoy nostre homme, estāt sans armes, estoit espovētē, & cryā en langaige Russien, ne tire pas, nous sommes amis. L'autre oyant ces parolles, iettā en terre son arc & fleche: par cela donnant a entendre qu'il estoit content de parler a nostre turcheman. Le nostre voyant cela, cryā de rechef, nous sommes amis: sur quoy l'autre dit, Soyés doncq le bien venu, & saluerent l'un l'autre, endinans tous deux leur testes vers la terre, a la coustume, des Russiens. Ayant le nostre trouvé ceste opportunitē, il luy a

Les cours de la terre de Weygat.

28. 29. 30. 31. d'aougist